



20 Johr

Die Abverheite

(Wenn me duet dr Zwanzigscht fyre,
Isch heggschti Zyt fir d'Memoire!)

Sujet: D'Bortmeneghini-Scandallas

Erschte-n-und letschte-n-Aggt vo-n-ere nit ganz
N o r m a l e-n-Opere-Première z'Rom.
S(ch)aublatz vo dr (Versc)Handlig: Maischtens Basilea.
Hauptperson: E Brimissima Donna.

**Ych bi d'GeWeghini!
Gänd Achtig !! Jetz sing y !!!**

Erschti Arie (DenArie, DollArie, HonorArie oder PekuniArie)

**Ych ka mir laischte jedi Flause,
Und näggschtens sing y numme no d'Pause.
Au das nadyrlig, 's isch jo glar,
Nur gege Spitze-Honorar.
Und zletscht verlang fir Fidle-Deenli
Ych äxtra Gratifikazieenli.**

Zwaiti Arie (JubilArie)

**Das Jubiläum do, das reemisch,
Isch sälber baschtlet, akademisch.
Mir hänn doch nit fir Basel z'starte
No miese zerscht uff d'Reemer warte!
Dr Herold brielt dr Hals sich wundum:
Habemus Munzium Secundum !
Sy heggschte-n-Ehrgyz do uff Aerde
Isch «Munzi Nummere Drei» no z'wärde.
's Vierduusigjohrfescht isch drum bald,
Sunscht wär dr Schagge-Niggi z'alt.**

DixioNärli fir Halbsydigi:

wundus	wund
habemus	mir hänn
Munzius	Abkirzig fir Munatius
Secundus	dr Zwait
Orator	dr Reeder
Oratorium	d'Reederei
Panem et RauriCircenses	's Rauracherbrot
Furcimen LuculliBellum	d'Lukulluswurscht
Bacchus bambulans	dr Bambbelbächer
Bacchanale	dr Superplausch in dr Bachgass äne

Was fir e Klima, anstatt Wätter!
Und statt eme Bundesroot dr Etter!
(Das isch dr Etter-Värs Zwaiduusig.
E Jubiläum! Fähne, Muusig!!)
E Pfalz-Värs basst do nit, denn lueg:
Die isch nit prähistorisch gnueg.

jetzt stygt no d'ProAquaArie,
und in dr

PAUSE

suffsch Cloaca Cola!

Fiechti Arie (CulinArie, e Basler Mosaik vom Haiden)

's git ain, dä schrybt fasch nur vom Aesse.
's isch z'vyll — Doch was dä schneert, wird gfrässe.
Wär mues vom stargge Haut-Goût niese,
Ka syni Forum-Bricht nit gniese:
Die sinn in unsrer Stadt, där brave,
E-n-Art erotischi (-st)Enklave.

DixioNärli fir Halbsydigi:

Forum	dr Märt
Foramen	dr Märtbrichterstatter
Obstenitas	dr Märtbricht
erotisch	wenn me rot isch (wägem Bart, nit wägem Märtbricht)
Enklave	lueg sälber im Lexikon

Fimfti Arie (Dernier Cri)

Yo vorne hohl, und hinde-n-e Kumpf:
E Sichle-Linie wärd jetz Trumpf.
Me haig schynt's vyl Pariserine
An säller Modeschau gseh gryne.
Dr Saint-Laurent, dä unryff Setzlig,
Lanciert au Kinder-Schlutti bletzlig.
Und 's nüggscht Jahr muesch in Windle go,
Und nohhär blutt, als Embryo.

Finale furioso und (Kurz)Schluss-Chor

Voi che sapete?
Von mi potete!
No, niente cantare,
A casa andare!

's isch aifach Schluss, Signori, scusi,
Sait d'Meneghini, und goht usi.
Ych ha gnueg Bulver uff mym Conto
Und bi zum Singe nimme pronto.

Vom vyle Feschte bi-n-y stanca,
Ihr kennet mir an Ranza hangga.
Au bi-n-y haiserissimo,
So huucht si pianissimo.

Kai Deenli gyx y me, nanai,
Und schigg sogar dr Gronchi hai!
Wahrhaftig, wäge däre Däsche
Het är dr Hals vergäbe gwäsche
Und loost deheim jetz d'Arie
Vom Mammi sym Kanarie.

Vyl ryffi Pointe no, wo zinde,
Kasch uff ere Ladärne finde.
Wär nit grad mues im WeKa hogge,
Macht gschwind am Zyschtig sich uff d'Sogge:
's wird däne-n-in dr Basler Halle
Au das Jahr sicher Alle gfallte.